

# Гүн медрлин төлө

Элст балгъсна школмудин багшнрин  
августовск хург

Элст балгъсна школмудин багшнрин августовск хург, школд политехническ сургъулин баадлин болн терүг цааранднь ясрулхин туск, В Л К С М-н XIII хургин шиидврмүдас иштагъяр комсомольск - пионерск организацисиг күч-көлсни т о р т орцулдж сургъмдж өгхин туск—ним хойр төр эн көдлмшин түрүн аныгднь хагъль.

Түрүн төрәр, КПСС-н Элст балгъсна комитетин сеглätр үр А. А. Трубицын доклад кев.

— Хальмг автономн тангъч Хальмг Автономн Советск Социалистическ Республикд хүврэгден, тууджлгч цагт багшнрин хург болджана, — гидж үр Трубицын докладан эклв.— Сүүлин джилд школмудар сургъулин - сургъмджин көдлмш зөвәр ясрв. Школмудт политехническ сургъуль келгын, сургъульчнр саянар сургъулян дасхд йовуд өгчәнә. Сургъульчнр олна эдл-ахусин оln зүсн көдлмшлә таньлдад, баадлджиргъл меддж авцхана. Иргч цагт коммунистическ тосхлтд шунмгъа орлчачнр болх, мана бичкн иньгүд, багъасн авн олна төрт орлцдг даслгын зуг сургъульчнриг биш, цуг багшнрин коллективсиг оln-амтнүр өөрдүлджәнә. Эн, багшнрин практическ көдлмшт ик туста.

Эдл-ахусар көдлсн сургъульчнрин производственн бригадс цугъар йир саянар көдлджәцхäv. Болв эдн эврәннь шунмгъа көдлмштән, болм дунгә килмдж, дөнъ авцхахш. Зәрм директормуд, колхозмудин, совхозмудин, предприятисин гардачнр, специалистнр ода бийнь сургъульчнрин производственн бригадст багъар оньг өгцхәнә. Багшнр болн гардачнр хойран хоорнд залгълдан багъ.

Сургъульчнр арви джилин дуусн дасхларн, зуг ах сургъулин заведеньст орхин төлө белдджәнә гидж урднь кегддг хаджгър практикәс мана советск школмуд ода сулдцхала. Ода болхла, сургъульчнриг эдл-ахуд орцулдж көдлгхин төлө белдджәнәвдн гидж багшнр медх зөвтә. Энүг сургъульчнр бийснь чигн йир саянар медджәцхәнә. Цуг эн көдлмшиг саянар делгрүллгынд, Элст балгъсна багшнрин коллективс үлгүр үзүлцхәх зөвтә — гидж үр Трубицын келв.

Ур Трубицын эврәннь докладтан Элстин школмудин ба-

рси диилврмүдин, политехническ сургъульд баах цуг дутудундин тускар тодрхагъар келв.

Хойрдгч төрәр ВЛКСМ-н балгъсна комитетин сеглätр үр Мамонов доклад кев.

Комсомольск-пионерск организацс школмудт кегддг, оlnа цуг көдлмшин эк татачнрнь болн бүрдәгъачнрнь болдгин тускар докладчик келв.

— Школин цуг көдлмшин, салгъдж болшго нег аныгнь— комсомольск-пионерск организацсин кедж - күцәджәх төр болджана. Терүг директормуд болн багшнр мартх зөв уга. Школмудт комсомольск-пионерск организацсин цуг көдлмш, ВЛКСМ-н XIII хургин шиидврмүдас иштә бүрдәгдх зөвтә, — гидж үр Мамонов келв. Эврәннь докладтан цааранднь үр Мамонов ВЛКСМ XIII хургин болн ВЛКСМ-н ЦК-н VIII Пленумин шиидврмүдәр комсомольск-пионерск организацс гол төрән кедж көдлхин тускар тодрха цәалгъврмүд өгв.

Докладмудар босдж келцхәсн улс — Элстин 1-ч номертә дундин школин директор үр Ц. У. Болдырев, нүүрлгч багшнрин дамшлт тархахн тускар келв. Эн школин багш А. А. Сафонов, Ставропольск крайд баах сургъульчнрин производственн бригадс, цуг мана орнутгт түрүн эклдж бүрдәгдсн, юмни сән дамшлтта бригадс гидж келв, теднә дамшлтиг дасдж, эврәннь школмудт олзлхмн гив.

1-ч номертә долан джилә школин директор Г. Б. Беглеев, Брата селәнә школин багш М. В. Сухих, 2-ч номертә долан джилә школин завуч А. Г. Бабенко эдн багшнрин көдлмшт болн школмудт баах дутудундсиг йилгән саянар шалгъдж, илдкдж келцхäv.

1-ч номертә дундин школин багш П. У. Шаранова класс гардач багшин чнрин тускар келв.

Профсоюзин багшнрин балгъсна комитетин ахлач, асхни школин директор Д. В. Дамашенко, сургъульчнрин производственн бригадсиг улм цааранднь икдүлдж, өсгхин тускар келв.

Хуртг нань чигн оln улс босдж үг келцхäv. Эдн ик халун кевәр, нег-негән шалгъдж, чинртә төрмүд тәвдж келцхäv.

**С. ДЖАКУЕВСКИЙ.**